



Sogn regionråd

Postboks 153 - 6851 SOGNDAL - Tlf: 57 62 96 14

Møteinkalling

Utval: **SOGN REGIONRÅD**

Møtestad: Fylkeshuset, Leikanger

Møtedato: 17.02.2012

Tid: 09:15

Eventuelt forfall skal meldast til telefon 57 62 96 00 - Varamedlemmar møter etter nærmere avtale.

Dagsorden

- | | |
|------|---|
| 0915 | Ordførar Olav Lunden ønskjer velkommen |
| 0920 | Oppmøte
Godkjenning av innkalling og sakliste
Godkjenning av møteprotokoll frå møte 2.12.2011
Handsaming av saker i Sogn regionråd |
| 1105 | Pause |
| 1115 | Møte i styringsgruppa for reiselivsorganisering i Sogn
Framlegg til alternative modellar og vegen vidare
Prosjektleiar Synnøve Aabrekk, Segel |
| 1200 | Lunsj |
| 1230 | Framhald reiselivsorganisering |
| 1315 | Evaluering av prosjektet "Sats på skulen – snu Sogn"
Forskar Trond Buland, NTNU Skole- og læringsforskning |
| 1415 | Kort beinstrekks |
| 1420 | Paneldebatt |
| 1500 | Vel heim! |

Sakliste

Saksnr.	Arkivsaksnr.
	Tittel
1/12	11/3951-2 Årdal kommune - Innmelding i Sogn regionråd
2/12	11/3278-3 Val av arbeidsgrupper i Sogn regionråd
3/12	12/14-2 Samarbeidsavtale mellom Sogn og Fjordane fylkeskommune og Sogn regionråd
4/12	11/3157-22 Rullebaneforlenging - Sogndal lufthamn Haukåsen
5/12	12/198-2 Visit Sognefjord - søknad om tilskot 2012
6/12	12/269-2 Finansiering av båtrute Nærøyfjorden og Fjærlandsfjorden
7/12	12/1-1 Orienteringssaker

Sogndal, 3.2.2012

Noralv Distad
leiar

Karina Nerland
dagleg leiar

Sogn regionråd

Saksh.: Karina Nerland
 Arkivsak: 11/3951

Arkiv: 026

Saksnr.: Utval
 1/12 Sogn regionråd

Møtedato
 17.02.2012

Sak 1/12

Årdal kommune - Innmelding i Sogn regionråd

Tilråding:

Sogn regionråd vedtek følgjande:

1. Årdal kommune vert medlem i Sogn regionråd
2. Årdal kommune tilfører Sogn regionråd kr 235 000 som er det same beløpet som vart utbetalt frå Sogn regionråd i samband med utmeldinga.

Vedlegg:

Brev frå Årdal kommune av 19.12.2011

Saksutgreiing:

Årdal kommune har vedteke å melda seg inn i Sogn regionråd, jf vedlagde brev. Årdal kommune ønskjer å gjennomføra innmeldinga så snart det er praktisk mogleg. Sogn regionråd disponerer fond der mellom anna kontingen fra eigarkommunane inngår. Sogn regionråd må vurdera sumen som Årdal kommune skal betala ved innmelding slik at dei bidreg med sin del av kontigentmidlar som er avsett på fond.

I samsvar med prinsippa for utløysingssum, jf regionrådsmøtet 4.12.2009, betalte Sogn regionråd kr 235 566 til Årdal kommune ved utmelding pr 31.12.2009. I mellomtida har regionrådet brukt av fonda, og Årdal har betalt for dei tiltaka og ordningane dei har vore med på.

Sogn regionråd sin eigenkapital består av ei rekke fond som i hovudsak er overskot av medlemskontigent og eksterne midlar som regionrådet har søkt på til ulike prosjekt. I saksutgreiinga ved utmelding vart det vist til tre fond som er finansierte av kontigent: 1) Diverse prosjekt, 2) kontigent og 3) konferanse. Det ligg også inne kontigentmidlar i andre fond som skule, ungdom og reiseliv, men andelen her er ikkje definert.

Sogn regionråd kan leggja til grunn at Årdal kommune betaler sin andel i dei tre fonda prosjekt, kontigent og konferanse. Sumen av kontigentmidlar som står på fond pr 31.12.2011 vil vera grunnlaget for det Årdal skal overføra til regionrådet. Utrekninga vil ikkje bli nøyaktig mellom anna ligge renteinntekter også i fondet Kontigent. Ei enklare løysing kan då vera at Årdal kommune overfører same sum som vart utbetalt ved utmelding, og administrasjonen tilrår at Årdal kommune overfører kr 235 000 for innmelding.

Innmeldinga frå Årdal kommune inneber at budsjettet for 2012 må reviderast. Sak om revidert budsjett vil bli lagt fram i neste møte 20. april. Verknadsdato for medlemskontigenten vert 1.1.2012.



Årdal kommune

Rådmann

Sogn regionråd

Postboks 153
6851 SOGN DAL

Vår ref. Dykker ref. Sakshandsamar Direktenr. Arkiv Dato:
08/1799-15 Ingvar Laberg 57 66 50 10 K1-130, K3-&85 19.12.2011

Innmelding i Sogn regionråd

Vedlagt følgjer særutskrift frå møte i Årdal kommunestyre den 15.12.2011, sak 097/11, 'Innmelding i Sogn regionråd'.

Vi syner til vedtaket og reknar med å høyra frå dykk om den vidare prosessen, jfr. pkt. 2 i vedtaket om at rådmannen har fått i oppdrag å ordne det praktiske.

Med helsing
Årdal kommune

Ingvar Laberg
Rådmann
57 66 50 10
ingvar.laberg@ardal.kommune.no

Postadr.:	Telofon:	57 66 50 00	Bankgiro:	3730.07.00153	Org.nr:	954 679 721	E post:	postmottak@ardal.kommune.no	Heimeside
Årdal kommune Postboks 40 6881 Årdalstangen		57 66 50 15							www.ardal.kommune.no

Årdal kommune

Sakspapir

Saksnr	Utval	Møtedato
139/11	Formannskapet	06.12.2011
097/11	Kommunestyret	15.12.2011

Sakshandsamar: Ingvar Laberg

Arkiv: K1-130, Arkivsaksnr. 08/1799
K3-&85

Innmelding i Sogn regionråd

Kort samandrag

I K-sak 038/09 Medlemskap i Sogn regionråd vedtok kommunestyret utmelding frå rådet med verknad frå 1.januar 2010. Etter ei samla vurdering, og med ynskje om å delta aktivt i den regionalpolitiske utviklinga i Sogn, tek ordføraren no initiativ til å melda Årdal innatt i Sogn regionråd.

Rådmannen si tilråding:

1. Årdal kommune melder seg innatt i Sogn regionråd.
2. Rådmannen får i oppdrag å gjennomføre innmeldinga så snart det er praktisk mogleg.

06.12.2011 FORMANNSKAPET

Rådmannen si tilråding vart teken opp til røysting.

Røysting:

Rådmnnen si tilråding vart vedteken – samrøystes.

FS-139/11 VEDTAK:

1. Årdal kommune melder seg innatt i Sogn regionråd.
 2. Rådmannen får i oppdrag å gjennomføre innmeldinga så snart det er praktisk mogleg.
-

15.12.2011 KOMMUNESTYRET

Formannskapet si tilråding vart teken opp til røysting.
Røysting:
Formannskapet si tilråding vart vedteken – samrøystes.

KS-097/11 VEDTAK:

1. Årdal kommune melder seg innatt i Sogn regionråd.
2. Rådmannen får i oppdrag å gjennomføre innmeldinga så snart det er praktisk mogleg.

.....
Vedlegg:

Ikkje utskrivne vedlegg:

K-sak 038/09 Medlemskap i Sogn regionråd
Vedtekter Sogn regionråd

Aktuelle lover, forskrifter, avtalar m.m.

Saksutgreiing

Sogn regionråd er skipa som eit interkommunalt selskap med heimel i §27 i Kommunelova. Rådet er sett saman av kommunane i Sogn med unnatak av Høyanger kommune frå 01.01.06 og Årdal kommune frå 01.01.2010.

I vedtektena for rådet heiter det at 'Sogn regionråd skal vera ein felles arena med fokus på å sikra og vidareutvikla rammevilkåra for busettad og næringsliv i regionen. Sogn regionråd skal òg fungere som base for definerte prosjekt og vidare ha som mål å samordne og forenkle oppgåver for eigarane.'

Frå utmeldingstidspunktet og fram til no er det halde kommuneval for 4 nye år. Den 28. oktober 2011 deltok ordførarane i Årdal og Høyanger på møte med Sogn regionråd, der temaet var regionalt samarbeid. Det er semje om det uheldige i at ikkje alle kommunane i Sogn deltek i regionrådet og at ein ny valperiode kan vere eit godt utgangspunkt for å fornya samarbeidet med sikte på å sikre regionen sin rettmessige plass i politiske prioriteringar som blir gjort på sentralt nivå.

Økonomiske konsekvensar

Kontingen til rådet i samavar med §5 Økonomi i vedtektena

Vurdering

Bakgrunnen for at Årdal melde seg ut av rådet f.o.m. 1.januar 2010 var ein diskusjon om rådet sitt virkeområdet, der ordføraren i Årdal i fleire samanhengar stilte spørsmål om rådet sin politiske rolle gradvis hadde komme i bakgrunnen for arbeidet med forvaltingsspørsmål og tenesteproduksjon.

Dei regionalpolitiske utfordringane har ikkje vorte mindre etter utmeldinga. Dette gjeld vidareutvikling av infrastruktur for å møta framtidige kommunikasjonsbehov innad i regionen og inn og ut av regionen. Vidare står regionen framfor store utfordringar i næringsutviklingsarbeidet, m.a. for å sikra tilgang på attraktive arbeidsplassar som i neste omgang vil stabilisera folketalet og motvirka flyttestraumen til byområda. Ulike næringar må samspele i eit regionalt perspektiv, og kompetanse- og forskingsmiljø i regionen må støtta opp under utviklinga. På helse- og omsorgsområdet står kommunane framfor store oppgåver som krev samarbeid og samhandling.

Tidspunktet er difor inn for at det regionalpolitiske samarbeidet må styrkast og vidareutviklast. I eit slikt perspektiv er det viktig at Årdal deltek.

Saksh.: Karina Nerland
Arkivsak: 11/3278

Arkiv: 036 &85

Saksnr.: Utval
2/12 Sogn regionråd

Møtedato
17.02.2012

Sak 2/12

Val av arbeidsgrupper i Sogn regionråd

Tilråding:

Sogn regionråd skal ha desse arbeidsgruppene:

-
-

Representantar i gruppene er:

-
-

Uprenta vedlegg:

Retningslinjer for arbeidsgruppene

Saksutgreiing:

Gruppene vi har i dag er reiselivsgruppa, regional utviklingsgruppe og samferdslegruppa, og samansetjinga vart vedteke i møtet 28. oktober slik:

- Samferdselsgruppa: Ivar Kvalen (leiar), Jarle Aarvoll og Marta Finden Halset.
- Reiselivsgruppa: Harald Offerdal (leiar), Noralv Distad og Jan Geir Solheim
- RUP gruppa: Marta Finden Halset (leiar), Noralv Distad og Olav Lunden. Frå rådmannsgruppa Jostein Aanestad.

Samansetjinga i arbeidsgruppene bør vurderast på nytt, jf sak om innmelding frå Årdal kommune. Det har vore vanleg at rådet vel leiar i gruppene, sjølv om dette etter vedtekten § 1 kan gjerast av gruppa sjølv.

Sogn regionråd

Saksh.: Karina Nerland
Arkivsak: 12/14

Arkiv: 026 &01

Saksnr.: Utval
3/12 Sogn regionråd

Møtedato
17.02.2012

Sak 3/12

**Samarbeidsavtale mellom Sogn og Fjordane fylkeskommune og
Sogn regionråd**

Tilråding:

Sogn regionråd godkjenner samarbeidsavtalen med Sogn og Fjordane fylkeskommune for 2012 slik den ligg føre.

Vedlegg:

Framlegg til samarbeidsavtale mellom Sogn og Fjordane fylkeskommune og Sogn regionråd for 2012.

Saksutgreiing:

Sogn regionråd har dei siste åra hatt ein samarbeidsavtale med Sogn og Fjordane fylkeskommune om gjennomføring og finansiering av regionale utviklingsprosjekt. Fylkeskommunen løyver også i 2012 kr 550 000 til kvart regionråd til regionale utviklingsprogram under føresetnad av at det blir inngått ein samarbeidsavtale. Samarbeidsavtalen peiker ut satsingsområde og tiltak i regionen.

Dei økonomiske prioriteringane i pkt. 4 i avtalen er i samsvar med rådet sitt budsjett for 2012 vedteke i møtet 2. desember 2011. Dei fleste tiltaka i samarbeidsavtalen er vedtekne i regionalplan for 2012 i same møtet.

Utkast til avtale er lagt fram for RUP-gruppa. Fylkeskommunen har fått avtalen til gjennomsyn.

Vedlegg

**Samarbeidsavtale mellom Sogn og Fjordane fylkeskommune og Sogn regionråd
Gjennomføring av regionalt utviklingsprogram for Sogn regionråd 2012**

1. Mål

Overordna mål for samarbeidsavtalen er ei samordna planlegging og gjennomføring av regionalt utviklingsprogram for Sogn regionråd, og såleis setje i verk tiltak for ei god regional nærings- og samfunnsutvikling i regionen. Regionalt utviklingsprogram gjeld for Sogn regionråd på vegne av kommunane Aurland, Balestrand, Leikanger, Luster, Lærdal, Sogndal, Vik og Årdal.

Innanfor ramma til fylkesplanen og regionalplan for Sogn, skal samarbeidsavtalen peike ut satsingsområde og tiltak i regionen.

Kommunane har gjennom regionalplanen for Sogn regionråd definert mål, delmål og strategiar som skal vere grunnlaget for samarbeid i regionen.

Sogn og Fjordane fylkeskommune og Sogn regionråd forpliktar seg til å samarbeide om gjennomføring og finansiering av konkrete tiltak slik det går fram av denne avtalen.

2. Prosess

Sogn regionråd har vedteke strategiplan for perioden 2009 – 2012 (del 1) og ein tiltaksplan for 2012 (del 2). Tiltaksplanen for 2012 vart vedteken i møtet 2.12.2011.

3. Innhold i avtalen for 2012

Sogn regionråd har fem satsingsområde i regionalplanen for 2009-2012: 1) Felles bu- og arbeidsmarknad, 2) helse, 3) næringsutvikling, 4) Sogndal si rolle som regionsenter og 5) utdanning, skule og kompetanse.

I samarbeidsavtalen skisserer vi desse tiltaksområda for 2012:

Felles bu- og arbeidsmarknad

- Vegutbetringar på strekningane Sogndal-Hella, Vik-Vangnes og Dragsvik- Balestrand for å få 45-minuttsregion
- Halvtimes ferjeavgangar på dagtid og nattferjer i Balestrandregionen
- Pendlarbuss Årdal - Leikanger med kopling frå Luster og Lærdal
- Tinga ei utgreiing og sjå på finansieringsmoglegheiter for kombinert skule-, pendlar- og turistbåt Aurland- Sogndal og Vik-Sogndal.
- Omdømmmebygging

Næringsutvikling

- Tinga ei analyse av moglegheitene for veg Trondheim-Bergen om Sogn. Byggja alliansar mot naboregionane
- Nattstasjonert fly frå 1.4.2012 og utviding av lufthamna
- Tinga ei utgreiing for utbetring av flyplassvegen
- Arbeida for utgreiing og tildeling av midlar av potten for ruteområde 4C på strekninga Vinje-Hella-Sogndal
- Gje tilskot til karrieremessene i Trondheim og Bergen
- Utgriera eit felles reiselivsselskap og tinga ei utgreiing for å få forslag til alternative måtar å organisera reiselivet på
- Gje innspel til fylkeskommunen sin årlege rullering av reiselivsprogrammet 2009-2012

- Arbeide med å få utvida dei nasjonale turistvegane Gaulearfjellet og Aurlandsfjellet til å omfatta ferjestrekningane Balestrand – Hella - Fjærland og Lærdal - Kaupanger-Gudvangen
- Kommunane i Sogn regionråd vil samordna utbygginga av breibandløfta i regionen, og deltek med representant i Breibandforum

Utdanning, skule og kompetanse

- Partane samarbeider om gjennomføring av ”Sats på skulen – snu Sogn”:
 - o Gjennomføra tiltaka etter utviklingsprogrammet 2006-2012 og vedtekne handlingsplanar
 - o Fylkeskommunen deltek i programstyret og bidreg på aktuelle måtar i einskildprosjekt
 - o Gjennomføra entreprenørskapsmesse i Luster kommune 3. mai 2012 for ungdomsskuleelevar i regionen
 - o Leiarutdanning for barnehagane i regionen
 - o Arbeide med å realisere eit formelt studium i entreprenørskap for tilsette i barnehage, SFO, grunnskule og vidaregåande skule
- Gje tilskot til det regionale ungdomsnettverket for gjennomføring av aktivitetar retta mot ungdom etter gjeldande aktivitetsplan

4. Budsjett og finansiering

	Prosjekt	RUP	Andre tilskot /fondsmidlar	Kontingent/ fondsmidlar
7550	Frie prosjektmidlar /RUP-midlar	42 500		242 500
7551	Reiseliv Visit Sognefjord	120 000		120 000
7551	Forprosjekt reiselivsorganisering	62 500		62 500
7555	Rekrutterings- og profileringsamlingar	100 000		100 000
7559	Skuleutvikling inkl evaluering*	225 000	1 972 000	425 000
Totale prosjektmidlar		550 000	1 972 000	950 000

* Sogn regionråd har målsetjing om minimum 50% ekstern finansiering av utviklingsprosjekt. Finansieringsplanen føreset vidareføring av partnerskap med fylkeskommunen om regional utvikling.

5. Profilering

Partane skal synleggjere at aktiviteten som er omfatta av denne avtalen er ei felles satsing frå Sogn og Fjordane fylkeskommune og Sogn regionråd.

6. Rapportering og evaluering

Sogn regionråd skal sende årsrapport for 2012 til fylkeskommunen innan 15. februar 2013. Alle tiltak som vert sett i verk i regi av utviklingsprogrammet skal sluttrapporterast /evaluerast. Sluttrapportar skal leggjast ved årsrapporten.

Regionrådet sender møteinkallingar og -referat til fylkeskommunen til orientering.

7. Utbetaling

Utbetaling av midlar for 2012 skjer når avtalen er underskriven av begge partar.

8. Twistar

Usemjø som relaterer seg til administrasjon og koordinering vert å løyse på leiarnivå i samarbeidsorganisasjonane.

Sogn og Fjordane fylkeskommune

Sogn regionråd

Saksnr.: Utval
 4/12 Sogn regionråd

Møtedato
 17.02.2012

Sak 4/12

Rullebaneforlenging - Sogndal lufthamn Haukåsen

Tilråding:

Sogn regionråd tek rapporten "Sogndal lufthamn – forlengelse av rullebane" til vitande. Samferdslegruppa følgjer opp prosessen vidare og tek initiativ til eit møte med departementet.

Vedlegg:

1. Rapport "Sogndal lufthamn – forlengelse av rullebane", 1.12.2011
2. Notat alternativ løysing, 4.1.2012

Saksutgreiing:

Bakgrunn:

Sogn regionråd har fått utgreidd tekniske tiltak og kalkyle for å få forlenga rullebana på Sogndal lufthamn Haukåsen. Bakrunnen er Samferdselsdepartementet si bestilling til Avinor om å avklara ein framtidsretta utvikling av lufthamnene. Avinor skal greia ut og analysera dei lokale flyplassinitiativa og vurdera aktuelle løysingar til Nasjonal Transportplan 2014-2023.

Rapporten "Sogndal lufthamn - forlengelse av rullebane" er bestilt av Sogn regionråd og inngår som ein delutgreiing til Avinor sitt prosjekt. Rapporten omhandlar dei tekniske tiltaka som må gjerast i samband med forlenging av rullebana til 1199 meter og kalkyle for forlenginga. Ei forlenging vil kosta 103 millionar.

Det er også gjort ei vurdering av mogleg løysing med å redusera banelengde slik at den totale lengda på rullebana utgjer 1199 meter. Bakrunnen for alternativet er signal om framtidig bortfall av høve for dispensasjon for etablering av banelengde utover 1199 meter.

Rapporten og tilleggsnotatet er sendt Avinor som underlag for deira vidare arbeid mot Nasjonal Transportplan.

Rapporten vart drøfta i samferdslegruppa saman med lufthamnsjefen i møtet 21. desember. Avinor sender innstillinga til departementet i slutten av februar. Samferdslegruppa si oppfølging til departementet vil bli i høve til dette.

Saksnr.: Utval
5/12 Sogn regionråd**Møtedato**
17.02.2012**Sak** **5/12****Visit Sognefjord - søknad om tilskot 2012****Tilråding:**

Sogn regionråd løyver kr 240 000 til Visit Sognefjord til marknadsføring i 2012

Vedlegg:

Søknad om tilskot 2012 frå Visit Sognefjord, 10.1.2012

Saksutgreiing:

Visit Sognefjord søker om eit tilskot på kr 250 000 for å realisera handlingsplan for 2012, jf vedlegg. Visit Sognefjord har over fleire år fått eit generelt tilskot på kr 200 000. Frå 2009 vart tilskotet auka til kr 240 000.

Visit Sognefjord har ikkje laga nokon handlingsplan/marknadssplan for 2012. Dei held fram med same tiltaka som i 2011 i påvente av prosessen om reiselivsorganiseringa i Sogn..

Marknadssituasjonen for sommarsesongen viser at ein nedgang på nesten 2% medan heile FjordNorge regionen har hatt ein oppgang på 2%.

I budsjettet for 2012 utgjer dei totale inntektene for Visit Sognefjord kr 2 995 000. Tilskotet frå fylkeskommunen, Innovasjon Norge, fylkesmannen og regionrådet utgjer kr 2 215 000 og bidrag frå næringa kr 780 000.

Felles profilering er ein av strategiane i fylket sin reiselivsplan for 2010-2025. Reiselivsnæringa er viktig for utviklinga av regionen, og Sogn regionråd har reiseliv som eit prioritert område i regionalplanen. I vedteken tiltaksplan for Sogn regionråd for 2012 ligg det inne ei vidareføring av tilskot til felles marknadsføring til reiselivet. I budsjettet for 2012 er det sett av tilskot til Visit Sognefjord med kr 240 000. Administrasjonen tilrår å løyve tilskot i samsvar med vedteke budsjett.

Saksnr.: Utval
6/12 Sogn regionråd

Møtedato
17.02.2012

Sak **6/12**

Finansiering av båtrute Nærøyfjorden og Fjærlandsfjorden

Tilråding:

Sogn regionråd garanterer for kr 100 000 til delfinansiering av båtrute på Nærøyfjorden og Fjærlandsfjorden. Dersom tilskota frå kommunane overstig kr 100 000 vil det overskytande gå til frådrag frå Sogn regionråd sin del.

Vedlegg:

Søknad frå Discover Sognefjord AS om delfinansiering av båtruter Nærøyfjorden og Fjærlandsfjorden

Saksutgreiing:

Bakgrunn:

Discover Sognefjord AS søker om tilskot til delfinansiering av båtrute for 2012. Søknaden gjeld delfinansiering av bilferje Gudvangen-Nærøyfjorden- Kaupanger mai og september og bilferje Fjærlandsfjorden juni-august og passasjerbåt Fjærlandsfjorden mai og september.

Behovet for tilskot gjeld det som ikkje vert dekka av billettinntektene og utgjer kr 2 450 000. Fylkeskommunen finansierer bårutene med kr 2 150 000. Discover Sognefjord har fått større kostnader enn forventa og manglar kr 300 000 for å finansiera den totale drifta av bårutene. Discover Sognefjord søker om at Sogn regionråd garanterer for kr 200 000. Parallelt sender dei søknad til kommunane om medfinansiering. Bidraga frå kommunane går i frådrag for regionrådet sin andel. Næringa sin andel utgjer kr 100 000.

Sogn regionråd støtta bårutene i Fjærlandsfjorden og Nærøyfjorden med kr 75 000 for to år sidan. Kvar kommune bidrog med kr 9 375. Næringa var utfordra til å bidra med kr 150 000.

Retningslinjer for handsaming av søknader i regionrådet stiller krav mellom anna går vi ikkje inn på ei ordning der rådet tek imot og handsamar søknader om støtte direkte. Søknader skal fremjast frå medlemar i rådet og med orienteringar på førehand. Det er vidare stilt krav til at søknaden må omhandla tiltak innan dei prioriterte oppgåveområda i regionrådet. Økonomisk støtte til båtrute er ikkje tiltak i tiltaksplanen.

Søknaden var drøfta i reiselivsgruppa i telefonmøte 1. februar. Reiselivsgruppa meiner det vil vera svært uheldig om båtrutetilbodet på Sognefjorden i regi av Discover Sognefjord skulle stoppa opp i 2012 på grunn av manglande finansiering. Reiselivsgruppa tilrår difor at

regionrådet garanterer for inntil kr 100 000 for å sikra båtrutene i 2012. Eventuelle tilskot frå kommunane over kr 100 000 vil gå til frådrag frå regionrådet sitt bidrag.

Vurdering:

Det bør arbeidast for ei meir langsiktig løysing slik at infrastrukturtilbodet blir meir forutsigbare og avklart i god tid før sesongstart. Rutene bør på sikt vera sjølvfinansierte.

Båtrutene er viktig for reiselivsnæringa og for å sikra båtrutetilbodet tilrår administrasjonen at Sogn regionråd gir ein garanti. Kommunane handsamar søknaden frå Discover Sognefjord parallelt med rådet si handsaming. Det er grunn til å forventa at kommunane samla sett vil kunne bidra med minimum kr 100 000 i tillegg til reiselivsnæringa sin del på kr 100 000. Administrasjonen tilrår at Sogn regionråd gir ein garanti på kr 100 000, og at det vert sett av kr 100 000 av unytta fondsmidlar div. prosjekt til tiltaket.

Saksh.: Karina Nerland
Arkivsak: 12/1

Arkiv: 065

Saksnr.: Utval
7/12 Sogn regionråd

Møtedato
17.02.2012

Sak 7/12

Orienteringssaker 17.2.2012

Orienteringar og drøftingar

1. Reiselivsgruppa, RUP-gruppa og samferdslegruppa
2. Rådmannsgruppa
3. Adminstrasjonen
4. Status i prosjektet lokalmedisinske senter for Sogn i Lærdal
Rådmann Alf Olsen, Lærdal kommune
5. Styringsgruppa for reiselivsorganisering i Sogn
Framlegg til alternative modellar og vegen vidare
Prosjektleiar Synnøve Aabrekk, Segel.
6. Evaluering av prosjektet ”Sats på skulen – snu Sogn”
Forskar Trond Buland, NTNU Skole- og læringsforskning

Skriv og meldingar

1. Skriv frå Samferdselsdepartementet om flyruter ved Sogndal lufthamn Haukåsen, 14.12.2011
2. Skriv frå Sogn regionråd om flyruter ved Sogndal lufthamn Haukåsen, 13.1.2012
3. Skriv frå regionrådet for Nord-Gudbrandsdalen om vegsamband Stavanger/Bergen – Trondheim om Sogn, 22.12.2011
4. Skriv frå Sogn og Fjordane fylkeskommune om styrka samhandling mellom fylkeskommunen og regionråd, 3.1.2012.
5. Referat frå møte i samferdslegruppa 21.12.2011
6. Referat frå møte i RUP-gruppa 30.1.2012
7. Referat frå møte i reiselivsgruppa 1.2.2012
8. Fråsegn til Helse Vest frå kommunane i Sogn og Fjordane
9. Rapport frå Njøs Næringsutvikling AS, 13.1.2012



Sogn regionråd
Postboks 153
6851 SOGNDAL

SOGNDAL KOMMUNE - SENTRALARKIV		
Arsakennr.	Dok.nr.	Saksnr.
10/3033	7	KAN
15606/11		
20 DES 2011		
Ark.kode P	n41	
Ark.kode S		
Kassasjonsnr.	Blaadnummer 8	

Dykkar ref
10/3033-6

Vår ref
10/430-THT

Dato
14.12.2011

Flyruter ved Sogndal lufthamn, Haukåsen

Vi viser til brev av 3.11.2011 frå Sogn regionråd til Samferdselsdepartementet om flyruter ved Sogndal lufthamn, Haukåsen.

Den 25.8.2011 liste Samferdselsdepartementet ut anbod på drift av regionale flyruter i Noreg, der òg flyruter ved Sogndal er med. Anboda som kom inn, blei opna den 27.10.2011 og er for tida til vurdering i departementet.

Det er lyst ut anbod på å drive ruteflyging i samsvar med forpliktingar til offentleg tenesteyting (FOT). Dei siste åra har det vore trafikkauge på mange regionale flyruter. Departementet har difor auka krava til kapasitet m.a. på rutene til og frå Sogndal og på fleire andre ruter på Vestlandet frå 1.4.2012.

Før tildeling av anbodskontraktar vil departementet sjå til at dei som har lagt inn bod, oppfyller FOT-krava, medrekna at det blir tilbydd nok sete på kvar lufthamn, og at det blir tilbydd nok direkteruter. Der det er tillate å legge inn anbod på kombinasjonar av ruter, som til dømes på ruter på Vestlandet, vil departementet også sjå til at det blir tilbydd nok sete på kvar lufthamn innanfor kombinasjonane.

Medan departementet set overordna krav til flyrutedrifta gjennom FOT-krava, så er det opp til flyselskapa som legg inn anbod, å utforme føremålstenlege ruteprogram som oppfyller dei krava som er sett for kvar rute. Flyselskapa som får kontraktar for ruteflyging, skal sende ruteprogramma sine på høyring m.a. til fylkeskommunane. Det er ein fordel om lokale synspunkt og forslag kjem fram ved desse rutehøyringane når departementet skal godkjenne dei endelige ruteprogramma etter høyringane.

Med helsing

Per Kolstad
Per Kolstad e.f.

Thomas Tørmo
Thomas Tørmo

Postadresse:
Postboks 8010 Dep
0030 OSLO

Kontoradresse:
Akersg. 59
www.regieringen.no/sd

Teléfono
22 24 90 90 / 22248353
Telefaks:
22 24 56 09
Org. nr.:
972 417 904

Luft- post- og teleavdelinga

Telefaks:

22 24 56 09

Saksbehandlar:
Thomas Tørmo
22 24 83 12



Sogn regionråd

Postboks 153 - 6851 SOGNDAL

Samferdselsdepartementet
postmottak@sd.dep.no

Sakshandsamar:
Karina Nerland
Tlf: 57 62 96 14
Vår ref.
10/3033-8
Dykkar ref.
10/430-THT
Dato
12.01.2012

Flyruter ved Sogndal lufthamn Haukåsen

Vi viser til svar av 14.12.2011.

Vi forstår svaret slik at Samferdselsdepartementet vil sjå til at tal sete Sogndal-Oslo vert i samsvar med anbodsgrunnlaget og at den reelle auken i setekapasitet kjem mandag – fredag når det er mangel på plassar. Vi saknar likevel tydeleg svar på korleis de vil be tilbydar synleggjera at det er Sogndal som får tilgang på 550 sete, og korleis dette vert den reelle kapasiteten.

Sogn regionråd føreset at departementet i sine vurderingar av anboda legg til grunn krava i anbodsgrunnlaget om fire direkteflygingar Sogndal – Oslo.

Med helsing

Noralf Distad
leiar Sogn regionråd
regionråd
(sign)

Ivar Kvalen
leiar Samferdslegruppa Sogn
(sign)

Regionrådet Nord-Gudbrandsdal



Sogn Regionråd
6856 Sogndal

Vår ref
2006/128/114/

Deres ref:

Saksbehandler
Arnfrid Austin
61215482

Dato
22.12.2011

Vegsamband Stavanger/Bergen - Trondheim om Sogn

Det visest til møte 31. oktober og notat datert 30.11.2011.

Regionrådet sitt arbeidsutvalg drofta saka i møte 21.12.2011, med vekt på framlegget om tunnel under Sognefjellet. Regionsjefen hadde i forkant av motet tatt opp saka med Oppland fylkeskommune for å få deira vurdering.

Det vart gitt slik konklusjon:

Regionrådet vil understreke den betydnina eit betre vegsamband aust – vest har for regionen.

Eit tunnelsamband under Sognefjellet, som lekk i heilårs tverrsamband Stavanger/-Bergen – Trondheim, har som forutsetning at heile rv 55 gjennom Boverdalen og Lom sentrum må oppgraderast. Dette vil medføre store kostnader, som ikkje er tatt inn i berekningane så langt.

Når det gjeld vegutbygging vil regionrådet prioritere E6 – byggjetrinn 2 -, utbetring, kvalitetshøving og sikringstiltak på E 136 og rv 15 og utbetring av E6 nord for Otta. Ein vil også vektlegge utviklingstiltak på Dovrebanen og Raumabanen.

Med helsing

Ole Aasaaren
Regionsjef

Kopi: Oppland fylkeskommune

Postadresse
Skansen 7
2670 Otta
E-post: e-post@regionkontoret.no

Telefon
61215480
Telefaks
61215481
www.nord-gudbrandsdal.no

Bank
2105.07.28568
Org.nr
976 634 845



HAFS regionråd

Nordfjordrådet

Sogn Regionråd

Samarbeidsforum i Sunnfjord

Dato

LEIKANGER, 03.01.2012

Styrka samhandling mellom fylkeskommunen og regionråda

I samband med at det no er starta eit arbeid med ein felles regional planstrategi for Sogn og Fjordane, ser fylkestinget regionråda som ein viktig samarbeidsaktør. I handsaminga av analyse- og utfordringsdokumentet i fylkestinget, 13. desember 2011, sak 55/11, vart kontakten mot regionråda nemnt særskild. Arbeidet med ein regional planstrategi fell elles godt saman med dei kommunale planstrategiane. Her er det derfor naturleg å sjå på moglege samanhengar.

Vi vil invitere til ein tettare kontakt mellom fylkeskommunen og dei fire regionråda i Sogn og Fjordane. Kontakten gjeld saker regionråda er generelt opptekne av og der vi har openberre felles interesser, ikkje berre plansaker. I den grad det er ønskjeleg, vil vi kunne bidra på sektorområde som òg krev meir fagspesifikk kompetanse. I samband med drøfting av saker av særleg strategisk interesse, ser vi vidare føre oss at det òg kan vere aktuelt å invitere med fylkeskommunen si politiske leiing på møte i regionråda, dersom det er ønskjeleg.

Det finst naturleg nok fleire måtar å etablere betre samarbeidsrelasjonar på, og vi ber derfor om at de drøftar dette nærmare og melder attende til oss kva de meiner vil vere mest høveleg. Sett frå vår side, ser vi ei ordning der vi deltek som observatør i dei einskilde møta som ein god start. Er det meir ønskjeleg at vi deltek berre på særskilde møte eller at vi held oss orientert gjennom saksutgreiing og protokollar, vil sjølv sagt dette òg kunne vere eit godt alternativ.

Vår kontaktperson mot regionråda vil vere seniorrådgjevar hos fylkesrådmannen, Trond Ueland. Han vil òg vere den som møter i dei regionråda som ønskjer at fylkeskommunen deltek som observatør i møta.

Er det behov for meir informasjon, kan de kontakte fylkesdirektør Svein Arne Skuggen Hoff, tlf. 918 88 868, svein.arne.hoff@sfj.no eller seniorrådgjevar Trond Ueland, tlf. 913 37 410, trond.ueland@sfj.no.

Med helsing



Jan Øhlckers
Fylkesrådmann



Svein Arne Skuggen Hoff
fylkesdirektør

Kopi: Kommunane i Sogn og Fjordane, fylkesutvalet



Referat

Møte i samferdslegruppa

Møtenummer: 3/11

Deltakarar:

Avinor: Gunnar Solbakken

Sogn regionråd: Ivar Kvalen, Jarle Aarvoll og Karina Nerland (sekretær). Forfall: Marta Finden Halset

Møtedato: 21.desember 2011

Referent: Karina Nerland

Sak 1 Rullebaneforlenging

Rapporten "Sogndal lufthamn – forlengelse av rullebane" er sluttført og sendt til Avinor. Rapporten utgreier tekniske tiltak og kalkyle for forlenging til 1199 meter. Bakgrunnen er Samferdselsdepartementet si bestilling til Avinor om å avklara ein framtidssretta utvikling av lufthamnene. Avinor skal analysera dei lokale flyplassinitiativa og vurdera aktuelle løysingar til Nasjonal Transportplan 2014-2023. Avinor sin gjennomgang og innstilling vert i januar og sendt departementet i slutten av februar. Samferdslegruppa si oppfølging mot departementet vil bli i høve til dette. Rapporten blir lagt fram for rådet i neste møte. Behovet for reguleringsplan vil bli avklart med Avinor.

Sak 2 Flyplassveg

Rådet har utgreiing av flyplassveg som tiltak i tiltaksplanen for 2012. For at utgreiinga skal leggjast til grunn for revisjon av arealdelen av kommuneplanen bør utgreiinga gjerast i løpet 1. halvår 2012. Ulike alternativ vart drøfta. Administrasjonen ser på alternativ som har vore vurdert tidlegare og førebur sak til neste rådsmøte om evt. oppstart av ei utgreiing av flyplassvegen.

Sak 3 Anbod regionale flyruter

Samferdselsdepartementet har sendt svar på rådet sine spørsmål om anbodsgrunnlaget; setekapasitet og direkteflygingar. Det kom forslag om at administrasjonen førebur brev til departementet der ein ber om at auka kapasitet og tal direkteflygingar vert i samsvar med anbodsgrunnlaget.



Sogn regionråd

Postboks 153 - 6851 SOGNDAL - Tlf: 57 62 96 14
www.sogn.regionraad.no

Referat

Møte i RUP-gruppa

Møtenummer 1/12

Deltakarar: Marta Finden Halset (leiar), Olav Lunden, Jostein Aanestad og Karina Nerland. Forfall: Noralv Distad

Møtedato: 30.1.2012

Referent: Karina Nerland

Samarbeidsavtalen 2012

Utkast til samarbeidsavtalen med fylkeskommunen for 2012 var utsendt til møtet.

Samarbeidsavtalen er også sendt til fylkeskommunen for ev. innspel/merknader. Samarbeidsavtalen blir sak til neste rådsmøte.

Styrka samhandling

Fylkeskommunen inviterer i brev 3. januar til tettare kontakt mellom regionråda i fylket og fylkeskommunen. Ordninga i dag er at fylkeskommunen blir halde orientert gjennom saksutgreiing og møteprotokollar. RUP-gruppa drøfta invitasjonen. Det kan vera ønskjeleg at fylkeskommunen deltek som observatør i møta i Sogn regionråd med ein fast representant frå administrasjonen, og at politisk og administrativ leiing deltek i aktuelle saker. Brevet vil bli lagt fram for drøfting i neste rådsmøte.

Folkevalldagen 2012

Aktuelle dagar er 16., 23. og 30. april. Tema for folkevalddag kan vera todelt med interkommunalt samarbeid/fellesordninga første del av dagen. Etter lunsj kan tema vera regionale utfordringar og moglegheiter knytta til næringsutvikling og folketalsutvikling. Kva skal til for å skapa vekst og utvikling i Sogn? Finst det samfunnstrendar som trekker vår veg? Administrasjonen lagar programkast og drøftar dette i ordførarsamlinga ev. med RUP-gruppa på telefon.

Ymse

- Sogndal kommune orienterer om planstrategiane i møtet 20. april og rådet får høve til å koma med innspel, jf tiltak i tiltaksplanen for 2012 – Sogndal si rolle som regionsenter.
- Søknad om delfinansiering av båtrutetilbodet er sendt til Sogn regionråd og til kommunane. Rådet handsamar saka i møtet 17. februar.



Sogn regionråd

Postboks 153 - 6851 SOGNDAL - Tlf: 57 62 96 14
www.sogn.regionraad.no

Referat

Møte i reiselivsgruppa

Møtenummer: 1/12

Deltakarar: Harald Offerdal (leiar), Jan Geir Solheim og Karina Nerland (sekretær). Noralv Distad var ugild.

Møtedato: 1.2.2012

(telefonommøte)

Referent: Karina Nerland

Discover Sognefjord har sendt søknad om finansiering av båtrutene på Nærøyfjorden og Fjærlandsfjorden. I samsvar med retningslinjene for regionrådet vart søknaden drøfta i reiselivsgruppa i forkant av rådsmøte.

Reiselivsgruppa si vurdering er at det vil vera svært uheldig om båtrutetilbodet på Sognefjorden i regi av Discover Sognefjord skulle stoppa opp i 2012 på grunn av manglende finansiering. Reiselivsgruppa tilrår difor at regionrådet garanterer for inntil kr 100 000 for å sikra båtrutene i 2012. Utifrå det skisserte behovet på kr 300 000 vil ein då få ei slik fordeling:

- Sogn regionråd 100 000
- Kommunane 100 000
- Nærunga 100 000

Eventuelle tilskot frå kommunane over kr 100 000 vil gå til frådrag frå regionrådet sitt bidrag.

Reiselivsgruppa føreset vidare at Discover Sognefjord no arbeider for å få på plass eit meir permanent og forutsigbart tilbod frå 2013 av.

Administrasjonen førebur sak til neste rådsmøte.

Fråsegn i samband med revidering av inntektsmodell – Helse Førde.

1. Kort om Helse Førde sin økonomiske situasjon .

Helse Førde er i ein vanskeleg økonomiske situasjon, og det er lagt opp til at føretaket vil ha eit underskot i 2012 på kr 40 millionar.

I Helse Vest RFH si styresak 073/11 B Førebels inntektsfordeling 2012 og resultatkrav 2012, er det i pkt 6.1 i saksutgreiinga gjort ein gjennomgang av den økonomiske situasjonen i føretaket . Det blir her mellom anna slått fast at:

Helse Førde vil etter implementering av ny strategi (modell 2 justert for vedtak i føretaksmøtet) framleis ha ei omstillingsutfordring i forhold til å oppnå eit resultat i balanse og skape framtidig positiv resultat

Den økonomiske situasjonen har ført til at Helse Førde dei seinare åra har vore nøydde til å skyve på viktige investeringar i bygningar og medisinsk utstyr. Det same vil vere situasjonen i 2012.

2. Revisjon av inntektsmodell – signalisert auka inntekter for Helse Førde.

Det lagt til grunn at det i løpet av 2012 skal finne stad ei revidering av inntektsmodellen, som skal gjelde frå 2013.

Dette er også kommentert i Helse Vest RFH si styresak 073/11 B, kor det går fram at:

Ut frå ei samla vurdering av Helse Førde si omstillingsutfordring vil administrerande direktør føreslå at skjønnstilskotet blir vidareført fram til at ein på nytt tar ein gjennomgang av inntektssystemet i løpet av 2012.

I Helse Vest RFG si styresak 136/11B, heiter det i pkt 7 til same tema:

Helse Førde har hatt, og har framleis ei betydeleg omstillingsutfordring. Denne problemstillinga vart nærmare drøfta i junimøtet under sak 073/11 B Førebels inntektsfordeling og førebels resultatkrav 2012. Basert på gjennomgang av ny inntektsmodell vil ein og vurderer situasjonen i Helse Førde for 2013 og påfølgjande år med tanke på grunnlaget for økonomisk balanse.

Ein oppfattar merknadene slik at det i ein revidert inntektsmodell vil bli tatt omsyn til dei særskilte økonomiske utfordringane Helse Førde har, og dette slik at helseføretaket vil få auka inntekter.

3. Framdriftsplan for revidering av inntektsmodell m.m.

Med bakgrunn i ovannemnde ber vi om ein framdriftsplan for arbeidet med revidering av inntektsmodellen.

Vidare ber vi om å bli haldne orienterte om arbeidet, og at vi får høve til å gi merknader under prosessen.

4. **Nødvendig med og krav om betre økonomiske rammevilkår for Helse Førde.**

Det er avgjerande at Helse Førde får rammevilkår som er gode nok til å kunne gi folket i Sogn og Fjordane eit godt og forsvarleg spesialisthelsetenestetilbod.

Dagens inntektsmodell tek ikkje opp i seg dei særskilte utfordringane som er knytt til å drive desse tenestene i fylket vår. Særlig gir det stadig aukande investeringsbehovet, med påfølgjande redusert evne til å rekruttere spesialistar, grunn til stor uro.

Det er derfor nødvendig at helseføretaket får betre økonomiske rammevilkår, slik det også er signalisert i nemnde vedtak frå Helse Vest RHF.

Ein revidert inntektsmodell må derfor på ein heilt annan måte enn i dag, møte dei utfordringane Helse Førde står overfor i åra som kjem.

Vi krev derfor at arbeidet med å revidere inntektsmodellen munnar ut i at Helse Førde får betre økonomiske rammevilkår.

Rapport om omorganisering ved Njøs frukt- og bærssenter 2007-2011

Då styret i Bioforsk i juni 2006 vedtok å leggja ned verksemda på Njøs, og flytta denne til Bioforsk Vest Ullensvang på Lofthus, var dette på tross av eit betydeleg press frå fleire hald mot å gjera dette vedtaket. Etter vedtaket vart det starta opp fleire prosessar for å oppretthalda fagmiljøet på Njøs, då det vart sett på som viktig å ha tilgang til eit slikt kompetansemiljø i fylket, og ta vare på den spesialkompetansen som fanst på Njøs. Sogn og Fjordane fylkeskommune sette i august 2006 ned ei gruppe med representantar frå fagmiljøet på Njøs, næringa, Sogn og Fjordane fylkeskommune og Fylkesmannens landbruksavdeling, som skulle utarbeida forslag til forretningsplan og mogeleg framtidig organisering av fagmiljøet på Njøs.

Representantar frå næringa og det offentlege i fylket la fram denne skissa i eit møte ved landbruks- og matdepartementet (LMD) i desember 2006. Denne skissa føresette deltaking frå fleire partar. Sogn Regionråd støtta Njøs med 1 mill kr. fordelt over 5 år f.o.m. 2007. Styret i Graminor gjorde vedtak om å oppretthalda sin aktivitet på Njøs, med sine 5 deltidstilsette personar, under føresetnad av at Sogn og Fjordane fylkeskommune bidrog med midlar til å få på plass annan aktivitet på Njøs. Fylkesmannen innstilte på å løyva 250.000 i 5 år til dei langsiktige prosjekta som var skisserte i forretningsplanen. Fylkestinget i Sogn og Fjordane gjorde 12.12.2006 vedtak om å støtta miljøet på Njøs med kr 350.000 i tilskot, i tillegg til årleg støtte på kr 250.000 til langsiktige prosjekt over 5 år. I den skissa som vart presentert for LMD var det også lagt opp til at Bioforsk skulle bidra til omorganiseringa på Njøs, men Bioforsk ynskte ikkje å bidra til dette. I staden sette dei som vilkår at dei tilsette i Bioforsk ikkje kunne gå inn i ei ny stilling på Njøs dei fyrste 2 åra etter at aktiviteten deira vart nedlagt 1. juli 2007. Dette medførde naturleg nok at dei 2 fyrste åra vart særskrevjande.

Omstillingsarbeidet

Ein av dei tilsette i Bioforsk gjekk over i stilling som FoU-sjef i Gartnerhallen, og Gartnerhallen kjøpte ein betydeleg aksjepost i Njøs næringsutvikling AS. Dei har også hatt styreleiar i Njøs næringsutvikling sidan oppstarten i august 2007. Gartnerhallen er produsentorganisasjonen for dei som leverer varer gjennom Bama, og det gjeld det aller meste av konsumvarene i frukt og bær frå Sogn og Fjordane. Fagmiljøet på Njøs har med dette fått ein betydeleg sterkare marknadskontakt enn tidlegare. Samla sett er det like mange tilsette på Njøs i 2012 som i 2007, og like stor arbeidsinnsats i årsverk, men dei er annleis fordelte på firma. Slik sett har omstillingsprosessen vore svært vellukka. Graminor har i sitt budsjett for 2012 lagt opp til å auka sitt engasjement på Njøs til 3 fulltids-stillingar, og miljøet på Njøs er såleis i fin vekst samla sett. Føresetnadane om aksjeteikning er oppfylgte, ved at næringa er sterkt inne som aksjonærar (tabell 1). Utvikling i omsetning i Njøs næringsutvikling er også svært positiv som vist i figur 1.


Bjørke eiendom AS kjøpte eigedomane som høyrd til Staten v/Bioforsk på Njøs i november 2007, og leiger desse ut på forretningsmessig basis til bedriftene som har tilhald på Njøs. Bjørke eiendom er eigd av Felleskjøpet Agri (51%) og Graminor (49%).

Njøs næringsutvikling AS vart skipa i august 2007. Under etableringa hadde ein støtte av selskapet Mentor i Førde, og det vart utarbeidd forretningsplan og budsjett før skipingsmøtet.

Tabell 1. Aksjonærar i Njøs næringsutvikling AS

Aksjonærar i Njøs næringsutvikling	Tal aksjer
Sogn og Fjordane fylkeskommune	10
Gartnerhallen	10
Graminor	10
Lerum	5
Lærdal grønt	2
Luster grønt	2
Sognefrukt	2
Innvik fruktlagar	2
Sognabær/Vangsnæs fruktlagar	1
Gloppen produsentlag	1
Sum	45

Omsetninga i Njøs næringsutvikling har auka frå 155' kr i 2007 til rundt 5 mill. kr i 2011. Overskotet i selskapet har dei siste 4 åra vore mellom 200' og 300'kr.



I forretningsplanen var ikkje Graminor og det nye selskapet skilt i budsjettet. Ein har ikkje fullt oversyn over driftsutgiftene for Graminor si avdeling på Njøs i perioden, og difor er berre inntektene til Graminor avd. Njøs tekne med i tabell 2.

Samla sett har inntektene på Njøs vore betydeleg høgare enn budsjettet (tabell 2).

Resultatrekneskapen for dei langvarige satsingane syner litt lågare inntekter enn budsjettet. Dette skuldast at noko av midlane vart brukte i tida før Bioforsk trekte seg ut, og noko midlar vert utbetale etterskotsvis i 2012. Sogn og Fjordane fylkeskommune har ytt 150' mindre i oppstartstilskot enn budsjettet, men gjekk inn i selskapet med kr. 100' i aksjer. Elles er prosjektinntektene betydeleg høgare enn budsjettet i 2010 og 2011, altså etter at karantenetida for dei tidlegare Bioforsk-tilsette var oppheva og drifta i selskapet kom i gang for fullt. Det er verd å nemna at 16% av prosjektinntektene i 2011 var frå internasjonale prosjekt.

Tabell 2. Tilskot og prosjektinntekter på Njøs i høve til planen

Njøs frukt og bærcenter						
Budsjett, 1000 kr	2007	2008	2009	2010	2011	Sum
Graminor, inntekter	2 200	2 300	2 400	2 500	2 600	12 000
Bioforsk, 1/2 års drift	250					250
Bioforsk omstillingmidlar	500	500	500			1 500
SFFK langvarige satsingar	250	250	250	250	250	1 250
FMLA langvarige satsingar	250	250	250	250	250	1 250
SFFK oppstartstilskot	150	150	50			350
Sogn regionråd	200	200	200	200	200	1 000
Rådgjevingspakkar		200	400	400	400	1 400
Prosjekt og utviklingsarbeid		500	900	1 500	2 000	4 900
Sum inntekter	3 800	4 350	4 950	5 100	5 700	23 900
 Løner	 2 000	 2 900	 3 200	 3 500	 3 900	 11 600
Graminor driftsutgifter	850	900	1 000	1 100	1 200	3 850
Andre driftsutgifter	340	340	340	340	340	1 360
Avskrivningar	130	130	130	130	130	520
Sum utgifter	3 320	4 270	4 670	5 070	5 570	17 330
Tal årsverk	3,0	5,5	6,0	6,5	7,0	
 Rekneskap, 1000 kr	2007	2008	2009	2010	2011*	Sum
Graminor, inntekter	2 713	3 219	2 697	3 195	3 000	14 824
Bioforsk, inntekter	0					0
Njøs næringsutvikling inntekter	156	1 078	2 070	3 589	5 000	11 592
SFFK langvarige satsingar	188	250	250	187	250	1 125
FMLA langvarige satsingar	140	175	225	284	306	1 130
SFFK oppstartstilskot		150		50		200
Sogn regionråd	200	200	200	200	200	1 000
Prosjekt og utviklingsarbeid		303	1 395	2 868	4 244	8 809
Sum inntekter	2 869	4 297	4 767	6 784	8 000	26 716
Tal årsverk	2,5	2,5	3,5	5,3	6,5	

*Inntekter i 2011 er jfr. Førebels rekneskap

**Betydning av tilskot og prosjektstøtte fra Sogn og Fjordane fylkeskommune,
Fylkesmannens landbruksavdeling og Sogn regionråd**

I omstillingfasen var det svært viktig å få på plass eit økonomisk fundament som kunne sikra nødvendige investeringar og drift av Njøs næringsutvikling dei første krevjande åra. Bioforsk tok med det meste av driftsapparatet til Ullenvang, så det måtte gjerast betydelege investeringar for å kunna oppretthalda ei funksjonell kompetanse- og utviklingseining. Graminor har investert i driftsutstyr ute, medan Njøs næringsutvikling har investert i spesialutstyr til m.a. laboratorium, som alle bedriftene på Njøs har nytte av. Dette er finansiert gjennom bruk av tilskot frå Sogn regionråd og Sogn og Fjordane fylkeskommune.

Støtta til dei langsiktige satsingane har også vore av avgjerande betydning. "Programstyret for frukt og grønt" er ei organisatorisk nyskaping, og i dei 5 åra frå 2007-2011 har ein sett kva betydning dette samarbeidet har hatt. Sogn og Fjordane fekk tildelt eit arenaprosjekt innan frukt og bær i 2010, som det første av sitt slag i landbruk, og det første i Sogn og Fjordane. Utan at ein hadde arbeidd med utvikling av klyngja i Programstyret på førehand, ville ein ikkje ha vore i posisjon til å få i stand eit slikt prosjekt. Denne arbeidsmåten har vorte lagd merke til også i andre fylke, og elles i fylket ser fleire til korleis frukt- og bærsektoren har organisert seg og samarbeider for å nå felles mål. Arena frukt og bær er tidsavgrensa til perioden 2010-2013, medan program frukt og grønt er mykje meir langsiktig, og blir drive av Programstyret. Dersom Sogn og Fjordane skal halda fram med den gode

utviklinga ein har hatt med auka verdiskaping i sektoren, er det avgjerande at Programstyret held fram eit kontinuerleg arbeidet i åra framover.

"Nye frukt- og bærkulturar for Sogn og Fjordane" er ei anna langsiktig satsing som skal vera med på å identifisera aktuelle nye vekstar som kan dyrkast her i fylket, ta dei inn i prøving, og etablera større utprøving og verdiskapingsprosjekt i dei kulturane som er mest lovande. Eit slikt arbeid er svært langsiktig, både gjennom kompetansebygging og internasjonal nettverksbygging, samstundes som felt skal etablerast og ryddast og mellom dette evaluerast i eit visst tal år for å få ei tilfredsstillande vurdering av genmaterialet. Nye frukt- og bærslag er eit viktig bidrag for å fronta Sogn og Fjordane som eit nyskapande fylke i frukt og bær, og av dei mest kraftfulle verkemidla når det gjeld formidling til samfunnet elles. Arena frukt og bær har som visjon at Sogn og Fjordane skal bli eit nasjonalt senter for innovasjon i frukt og bær, og nye frukt- og bærkulturar er eitt av dei fremste verkemidla for å oppfylla denne visjonen. Det er etablert kommersielle felt av svarthyll (Fresvik) og aprikos (Lærdal), medan tindved er den neste veksten som vil bli skilt ut som eige prosjekt for utprøving i større skala.

Sluttmerknader

Det er skrive årlege rapportar frå aktiviteten i "Programstyret for frukt og grønt" og frå "Nye frukt- og bærkulturar for Sogn og Fjordane". Dagleg leiar i Njøs næringsutvikling AS, Stein Harald Hjeltnes, orienterte Sogn regionråd om utviklinga på Njøs frå 2007 i møte i juni 2011. Sogn og Fjordane fylkeskommune blir jamleg oppdatert om utviklinga gjennom deltaking i generalforsamling og "Programstyret for frukt og grønt", medan Fylkesmannens landbruksavdeling får oppdatering gjennom deltaking i begge desse to langsiktige prosjekta.

Fagmiljøet på Njøs ville blitt borte utan den solide regionale støtta i omstillingsperioden 2007-2011, og utviklinga i sektoren har synt at fagmiljøet på Njøs har vore til stor nytte for frukt- og bærnæringa i fylket. Prosjekt-tilgangen er god og veksande, men det er trøng for ei basisfinansiering av nettverksfunksjonar mellom næringa, det offentlege verkemiddelapparatet og FoU-miljøet på Njøs (Programstyret). Det trengs også langsiktige midlar til eit basisprosjekt som kan støtta kompetanseoppbygging og utprøving av eksotisk plantemateriale (Nye frukt- og bærkulturar).

Stein Harald Hjeltnes

Njøs 13.januar 2012